

古

謠

諺

古謠諺卷二十

秀水杜文瀾輯

四皓隱歌

高士傳卷中四皓者皆河內軹人也或在汲一曰

東園公二曰角里先生三曰綺里季四曰夏黃

公皆修道潔已非義不動秦始皇時見秦政虐

乃退入藍田山而作歌曰云乃入商洛隱地

肺山以待天下定及秦敗漢高聞而徵之不至

深自匿終南山不能屈也

莫莫高山深谷透迤畦畦紫芝可以療飢唐虞世遠御覽

卷一百六十八引吾將何歸風雅逸篇卷七引九州春

帝王世紀世作時秋潛確類書卷六十四引

高士傳駟馬高蓋其憂甚大富貴之畏人兮御覽卷五

何作安駟馬高蓋其憂甚大富貴之畏人兮御覽卷五

引崔琦四皓頌貴下無之字御覽卷五百七潛確不

類書卷六十四均引高士傳及九州春秋皆無兮字不

如貧賤之肆志風雅逸篇如作若樂府詩集卷五十

山崔巍巖居穴處以爲幄茵焜焜紫芝可以療飢唐虞

往矣吾當安歸投甕隨筆皓作昊莫作莫巖作岩餘

與樂府同

府同

時人爲張氏諺

文士傳逸文

據御覽卷四

留侯七世孫張讚字

百九十六

子卿初居吳縣相人里時人諺曰

相里張多賢良積善應子孫昌

案說郛卷五十八列文士傳未載此條今據御覽錄之又據三國志注採出附錄一條

時人爲竇武語

羣輔錄大將軍槐里侯扶風平陵竇武字游平

天下忠誠竇游平

時人爲陳蕃語

羣輔錄太傅高陽鄉侯汝南平輿陳蕃字仲舉

天下義府陳仲舉

時人爲劉淑語

羣輔錄侍中河間樂成劉淑字仲承

天下德宏劉仲承

時人爲郭泰語

羣輔錄有道太原介休郭泰字林宗

天下和雍郭林宗

時人爲夏馥語

羣輔錄太常陳留圉夏馥字子治

天下慕恃夏子治

時人爲尹勲語

羣輔錄尙書令河南鞏尹勲字伯元

天下英藩尹伯元

時人爲羊陟語

羣輔錄河南尹太山平陽羊陟字嗣祖御覽卷六百九

十三引古今善言續出黃紙補袍以示使人時人謠曰

天下清苦羊嗣祖古今善言嗣作續

時人爲劉儒語

羣輔錄議郎東郡陽平劉儒字叔林

天下珤金劉叔林

時人爲蔡衍語

羣輔錄冀州刺史陳國項蔡衍字孟喜

天下雅志蔡孟喜

時人爲巴肅語

羣輔錄潁川太守渤海高城巴肅字恭祖

天下臥虎巴恭祖

時人爲宗慈語

羣輔錄議郎南陽安衆宗慈字孝初

天下通儒宗孝初

時人爲陳翔語

羣輔錄御史中丞汝南召陵陳翔字子鱗

海內貴珍陳子鱗

時人爲張儉語

羣輔錄衛尉山陽高平張儉字元節

海內忠烈張元節

時人爲范滂語

古謠諺

卷二十

曼陀羅華閣

羣輔錄太尉掾汝南細陽范滂字孟博

海內謇諤范孟博

時人爲檀敷語

羣輔錄蒙令山陽高平檀敷字文有

海內通士檀文有

時人爲孔昱語

羣輔錄洛陽令魯國孔昱字世元

原注後漢書
云字元世

海內才珍孔世元

時人爲范康語

羣輔錄太山太守渤海重合范康字仲眞

海內彬彬范仲眞

時人爲岑晳語

羣輔錄太尉掾南陽棘陽岑晳字公孝

海內珍好岑公孝

時人爲劉表語

羣輔錄鎮南將軍荊州牧武城侯山陽高平劉

表字景升

海內所稱劉景升

時人爲王商語

羣輔錄少府東萊曲城王商字伯義

原注後漢書作王璋

海內賢智王伯義

時人爲蕃嚮語

羣輔錄郎中魯國蕃嚮字嘉景

海內修整蕃嘉景

時人爲秦周語

羣輔錄北海相陳留己吾秦周字平王

海內貞良秦平王

時人爲胡母班語

羣輔錄侍御史太山奉高胡母班字季皮

海內珍奇胡母季皮

時人爲劉翊語

羣輔錄太尉掾潁川潁陰劉翊字子相

海內光光劉子相

轉注古音略卷四引後漢書海內作天下

時人爲王考語

羣輔錄冀州刺史東平壽張王考字文祖

海內依怙王文祖

時人爲張邈語

羣輔錄陳留相東平壽張張邈字孟卓

海內嚴恪張孟卓

時人爲度尙語

羣輔錄荊州刺史山陽湖陸度尙字博平

海內清明度博平

案此錄自注云並見三君八俊錄今考漢代七字諺語初見於前漢書樓護傳卽以喪卿二字協韻則凡似此者均係當時諺語可知此錄未著人爲之語等

字疑原錄有之此錄節去也今刪去已見後漢書者

二條

天下模楷李元禮
天下英秀王叔茂

已見袁崧書者六條

天下好
交荀伯

條天下水凌朱季陵天下忠貞魏少英天下稽

古劉伯祖天下良輔杜周甫天下才英趙仲經餘悉

著錄焉

荆楚爲文殊金像謠

蓮社高賢傳慧遠法師至尋陽見廬山閑曠可

以息心乃立精舍永師先居廬山西林以在永

師舍東故號東林先是尋陽陶侃刺廣州漁人

見海中有神光網之得金像文殊誌云阿育王

所造後商人在海東獲一圓光持以就像若彌
縫然侃以送武昌寒溪主僧珍常住夏口夜夢
寺火而此像室獨有神護馳還寺果焚像室果
存及侃移督江州迎像將還至舟而溺荆楚爲
之謠法苑珠林卷十三作謠曰云
之像忽浮出遂造重閣以奉之製文殊瑞相讚
陶惟劔椎法苑珠林椎作雄像以神標法苑珠林標作標雲翔泥宿邈
何遙遙可以誠至難以力招

時人爲寇準語

宋名臣言行錄

前集卷四丞相萊國寇忠愍公準

公性忠樸喜

直言無顧避時人語曰

原注遺事

寇準上殿百僚股票

京師爲臺官語

宋名臣言行錄

後集卷五御史中丞呂公誨

治平初英宗卽

位是時臺諫官言事一切不聽或盡逐臺諫不

留一人京師爲之語曰

二云

其弊至此然人主

猶采物論朝廷正人未盡去公議有所屬言事

者斥逐相望而後來者其言愈厲

原注南豐雜識

絕市無臺官

人爲嶺南八州言

宋名臣言行錄

後集卷十二 諫議劉公安世

公曰安世除諫

官三日有大除拜安世便入文字凡二十四章

論章惇十九章及得罪惇必欲見殺人

輿地紀勝卷一

百十七

言

云

八州惡地安世歷遍七州

原注道護

錄

春循奉新與死爲鄰高竇雷化說着也怕

辛文房引諺論富家積書

唐才子傳

卷八

汪遵宣州涇縣人幼爲小吏晝夜

讀書良苦咸通七年韓衮榜進士有集今傳拔
身卑污奮譽文苑家貧借書以夜繼日古人閱
市偷光殆不過此昔溝中之斷今席上之珍丈
夫自修不當如是耶與夫朱門富家積書萬卷
束在高閣塵暗籤軸蠹落帙帷網好學之名欺
盲聾之俗非三變之敗無一展之期諺曰

嗚呼哀哉

金玉有餘買鎮宅書

饒州民爲陶安歌

明良錄略陶安字主敬太平當塗人乙未太祖

渡江安出迎甲辰知饒州三年入朝民爲之歌

曰云

云

旣而復命守饒州民懷其德復歌之曰

云

云

吳元年初置翰林院召安爲學士

千里榛蕪侯來之初萬姓耕闢侯去之日

湖水悠悠侯澤之流湖水有塞我思侯德

顧璘引諺

國寶新編王寵字履吉蘇州人貢入太學卒清

夷廉曠與物無競詩辭刻尙風骨擺脫輕靡可
謂後來之高足惜乎夫不假年進而未止諺曰
云 豈不信然哉

瓊玖蚤折白石截業

陶嬰歌

古列女傳貞順篇陶嬰者魯陶門之女也少寡養

幼孤无强昆弟紡績爲產魯人或聞其義將求
焉嬰聞之恐不得免作歌明已之不更二也其

歌曰云魯人聞之曰斯女不可得已遂不敢

復求嬰寡終身不改君子謂陶嬰貞壹而思詩

云心之憂矣我歌且謠此之謂也

黃鵠之早寡兮

白帖卷十七御覽卷五百七十二及樂府詩集卷四十五潛確類書卷五十九

黃上有悲夫二字

七年不雙

白帖潛確類書雙下有飛字

鵠頸獨宿兮

白帖御覽

樂府詩集潛確類書廣博物志卷二十一鵠作宛

不與衆同夜半悲鳴兮想其

故雄天命早寡兮

白帖天作其

獨宿何傷寡婦念此兮

白帖作嗟

此寡婦

泣下數行嗚呼哉兮

白帖呼下有哀字廣博物志呼下有悲字

御覽死

者不可忘

白帖無者字可字

飛鳥尙然兮

白帖無飛字及兮字樂府詩集鳥作鳴

况於貞良

白帖作况其夫良廣博物志貞作其誤

雖有賢雄兮終不重行

御覽廣博物志不下有可字 御覽廣博物志通體無
兮字 類聚卷九十作黃鵠早寡七年不雙宛頸獨宿
不與衆同飛鳥尙然况於貞良 御覽卷九百十六引
抱朴子飛作禽餘與類聚同 御覽卷四百四十一引
列女傳作悲黃鵠之蚤寡兮十年不雙宛頸戢翼兮不
與衆同時則悲鳴兮獨行惻惻天命令然兮塊獨永傷
感鳥愠已兮淚下成行嗚呼悲兮死者不可忘
飛鳥尙然兮何况貞良雖有賢雄兮終不成行

秋胡子引諺

古列女傳節義篇 潔婦者魯秋胡子妻也既納之

五日去而官於陳五年乃歸未至家見路傍婦

人採桑秋胡子悅之下車謂曰吾行道願託桑

廕下飡婦人採桑不輟秋胡子謂曰按下文諺云二字原

本無今據藝文類聚卷十八
古今諺卷一義府卷下補 諺云云 吾有金

願與夫人婦人曰嘻夫採桑力作紡績織紆以

供衣食奉二親吾不願金秋胡子遂去至家奉

金遺母使人喚婦至乃嚮採桑者也

力田不如逢豐年力桑不如見國卿 藝文類聚豐作少國作公 樂府古

題卷上桑作耕國作公 事文類聚後集卷二十二合壁事類別集卷五十一豐年作市國卿作郎 古今諺

逢作遇義 府無年字 刺繡文不如倚市門 此句原本無 據古今諺補

趙津女娟歌

古列女傳 辯通 趙津女娟者趙河津吏之女趙

篇

簡子之夫人也初簡子南擊楚與津吏期簡子
至津吏醉臥不能渡簡子欲殺之娟懼持楫而
走對曰妾父聞主君來渡不測之水恐風波之
起水神動駭故禱祠九江三淮之神供具備禮
御釐受福不勝玉祝杯酌餘瀝醉至於此君欲
殺之妾願以鄙軀易父之死簡子曰非女之罪
也遂釋不誅簡子將渡用楫者少一人娟攘袂
搵楫而請曰妾願備父持楫遂與渡中流爲簡
子發河激之歌其辭曰

云

云

簡子大悅曰昔者

禾穀夢娶妻豈此女乎將使人祝祓以爲夫人
媼再拜而辭曰夫婦人之禮非媒不嫁嚴親在
內不敢聞命遂辭而去簡子歸乃納幣於父母
而立以爲夫人

升彼阿兮

御覽卷五百七十二潛確類書卷八十阿作河

面觀清水

御覽潛確類書面作

西揚波兮杳冥冥

御覽無下冥字

禱求福兮醉不醒誅將加兮

妾心驚罰旣釋兮瀆乃清妾持楫兮操其維蛟龍助兮

主將歸呼來擢兮行忽疑

御覽擢作棹風雅逸篇卷三擢作楫

時人爲湛賁彭伉語

廣列女傳

卷十女
範類下

湛賁妻進士彭伉之姨也伉

既登第賁爲郡吏妻族賀伉坐皆名士伉居客
右一座盡傾而賁飯於後閣其妻責之曰男子

不能自勵窘辱至此亦復何顏賁感其言力學

一舉擢第伉方郊游聞之失聲墜驢時人語曰

二云

云君子謂湛賁之妻能激夫以成名

湛郎及第彭伉落驢

按此條見唐摭言惟彼不言時人語故置彼錄此

古語彙卷二十一終

古謠諺卷二十一

秀水杜文瀾輯

梁武帝時雒山童謠

梁陳故事梁武帝時童謠曰

云

云江表以鳥名

山者悉鑿按陳高祖則長興縣雒山人也

明一統志

雒山在湖州府長興縣北五里梁武帝時有童謠曰云云故江左以鳥名山者皆鑿惟此山不經鑿陳高祖此處人果應其謠

鳥山出天子

梁武帝時童謠

梁陳故事梁武帝時有童謠云

云

梁武帝於

餘干餘杭餘姚三處爲禳厭之法其時長興有

餘干山餘魚里蓋陳高祖則長興三餘人也

按

地紀勝卷四引輿地志云長興有餘豐溪其下
卽引梁陳故事云云所謂長興三餘蓋指餘干

山餘魚里
餘豐溪也

天子之居在三餘

潛確類書卷二十
作王氣在三餘

開元末天下唱得寶歌

開天傳信記唐開元末於宏農古函谷關得寶

符白石篆文正成桑字識者解之云桑者四十

八年所以示聖人御歷之數也及帝幸蜀之來

歲正四十八年得寶之時天下歌

學津討源本歌作言之

曰云

去於今唱之得寶之年遂改元天寶也

得寶耶宏農耶宏農耶得寶耶

案說郛及學津討原本字句多訛脫今據廣記卷二百三十六參訂

陝州士民爲盧奐語

開元天寶遺事盧奐爲陝州刺史嚴毅之聲聞於關內元宗次陝城頓知奐有神政御筆贊於

廳事陝州之民多滌祀者士民相語曰

不須賽神明不必求巫祝爾莫犯盧公立便有禍福

宣和初金民唱臻蓬蓬歌

宣政雜錄宣和初收復燕山以歸朝金民來居

京師其俗有臻蓬蓬歌每扣鼓和臻蓬蓬之音

爲節而舞人無不喜聞其聲而效之者其歌

林

伐山卷六謝華啟

秀卷一作宋謠

曰云

云本敵讖故京師不禁

然次年正月徽宗南幸二聖北狩

臻蓬蓬外頭花花裏頭空

桃林伐山謝華啟
秀下花字作艷

但看明年

正二月滿城不見主人翁

民間爲章惇蔡京蔡卞謠

宣和遺事

卷上

徽宗建中靖國元年用丞相章惇

言舉蔡京爲翰林學士滿朝上下皆喜諛佞阿
附權勢無人敢言其非殿中侍御史龔夬上表
奏言臣伏聞蔡卞落職太平州居住天下之士
共仰聖斷然臣竊見卞京表裏相濟天下知其
惡民謠有云云又童謠云云百姓受苦出
這般怨言但朝廷不知之耳蔡京蔡卞爲人反

復變詐欺陷忠良皆由京下二人簸弄是時章

惇罷相貶雷州居住

二蔡一惇必定沙門藉沒家財禁錮子孫

大惇小惇入地無門

歷代名臣奏議卷一百五十六
崔德符奏作無地安身

大蔡

小蔡還他命債

按此條與宋史及續通鑑綱目詳略互易今並存之

靖康初民間爲言路謠

宣和遺事

卷下

靖康元年正月下求言詔有監察

御史余應求上書詔賜章服蓋自金人犯邊求

言之詔凡幾下往往事緩則阻抑言者當時民

謠言

城門閉言路開城門開言路閉

小民爲蔡京謠

太清樓侍宴記附錄莊綽曰京之敘致覲縷如
此皆不足恃而榮也適足爲國家之辱焉所謂
天波溪者由東寶籙宮循城西南以至京第其
子條上書其父謂今日恩波他年禍水而小民

謠言

云是也

蔡京居中人不諉萬乘官家渠底串

金人既退後時人語

避戎夜話金人既出境朝廷措置多不急之務
如復春秋科太學生免解改舒王從祀之類時
爲語云

不管肅王卻管舒王不管燕山卻管聶山不管山東卻
管陳東不管東京卻管蔡京不管河北界卻管秀才解
時人爲許及之語

慶元黨禁韓侂胄居中用事舉朝之人知有侂

胄而不復知有人主許及之舊與薛叔似同擢
補遺皆爲善類所子黨事旣起叔似累斥逐許
乃更遷給事中吏部尙書旣而踰二年不遷乃
閒見佖胄敘其知遇之意及衰遲之狀不覺涕
零繼以屈膝佖胄惻然語之曰尙書才望簡在
上心行且進拜矣不數日遂除同知樞密院事
佖胄嘗值生辰羣公上壽旣畢集矣許爲吏部
尙書適後至闈人掩關拒之許大窘會闈未及
閉遂俯僂而入當時有

云

云

之語傳以爲笑

齊東

野語卷三雜記所載趙師畢犬吠乃鄭斗所造
以報撻武學生之憤至如許及之屈膝費士寅
入狗竇亦皆不得志報私讐者撰造醜詆
臯雜記卷三引此云周據祖父所言似出公論
然君子惡居下流一失足
便爲萬世口舌可不戒哉

由竇尙書屈膝執政

淳熙時太學諸生爲陳賈語

道命錄

卷五

淳熙十五年監察御史陳賈論道學

欺世盜名乞加擯斥時太學諸生爲之語曰

周公大聖猶遭謗伊洛名賢亦被譏堪歎古今兩陳賈
如何專把聖賢非

秦順臨刑唱歌

辛巳泣蘄錄嘉定十有四年歲在辛巳二月三十日又捕獲番人秦順據供係潞州人油麩行爲活鄴王起我爲軍次日將秦順斬於市曹押出之際口說大金鄴王無道連年用兵使我兄弟五人皆死於軍歌唱自如曰

生爲潞州人死爲蘄春鬼

謝翱西臺慟哭歌

西臺慟哭記

張氏丁注登西臺慟哭記粵謝翱之所作也宋丞相文信公值國亡

數起兵南服翽仗策軍門署以爲諂事參軍後
丞相死翽痛知已之不復故登斯臺招其魂西
臺者子陵始故人唐宰相魯公開府南服子以
之西臺也

布衣從戎明年別公漳水湄

張注按文公丙子八月開督於南劍

時德祐二年也公時年二十八明年正月文公引兵趨漳州謀入衛道阻不通三月入梅州五月兵出梅嶺其別者是年也按稱唐魯公而不姓者猶韓愈稱董晉爲隴西公之類後明年公以事過張睢陽及顏杲卿所常往來處悲

歌慷慨卒不負其言而從之游

張注按戊寅十月文公引兵至

潮陽十一月兵潰被執遂北徙留燕至至元壬午得死時年四十七謂其悲歌慷慨卒不負其言而從之游者蓋指余恨死無以藉手見公每其題詩張睢陽廟也

一動念則徘徊顧盼悲不敢泣又後五年及今

而哭於子陵之臺

張注按乙丑年公從先君鑰登臺時年十七後丁亥公復

過而哭焉謂今者在庚寅之冬時年四十二矣乃以竹如意擊石作楚

歌招之曰

云

歌闋竹石俱碎

魂朝往兮何極莫歸來兮關水黑化爲朱鳥兮有噶焉

食

任士林胡翰皆有謝翺傳朝往作來莫歸來作魂去宋濂謝翺傳噶作味張注按朱鳥南方宿也味

鳥首也春秋傳古之火正或食於味故味謂之鶉火而

火正配食於火星者以其於火有功故也蓋宋以火德

王而繫於南化云者以其雖化而化必於南文公有功

於宋猶星有功於火也亦以朱鳥配於宋焉其友方鳳

過公墓有詩懷之朱鳥食何向正此謂也潛確類書

卷二十朝往作歸來莫歸來作魂去案噶味音近古

古謠諺

卷二十一

曼陀羅華閣

用字通

朱揆引諺

釵小志諺曰唐摭言卷十乾符中蔣凝應宏辭爲賦止四韻遂曳白而去試官不
之信通請所試凝以實白旣而比之諸公凝有
得色試官歎息久之頃刻之間播於人口或稱
之曰
云云

白頭花鈿滿面不若徐妃半粧

駱妃爲元武宗歌

元氏掖庭記已酉仲秋之夜武宗與諸嬪妃泛
月於禁苑太液池中月色射波池光映天於是

畫鷁中流蓮舟夾持帝喜謂妃嬪曰昔西王母
宴穆天子於瑤池人以爲古今莫有此樂也朕
今與卿等際此月圓共此佳會液池之樂不減
瑤池也惜無上元夫人在坐不得聞步元之聲
耳有駱妃者素號能歌趨出爲帝舞月照臨而
歌曰云歌畢帝悅其以月喻己賜八寶盤玳
瑁盞

五華兮如織照臨兮一色麗正兮中域同樂兮萬國

古謠諺卷二十一終

古謠諺卷二十二

秀水杜文瀾輯

張獻忠陷蜀時街巷俚語

蜀碧

卷三

賊天性特與人殊殺人之令有以語犯

死者有以事犯死者有令健卒羅織而按戶以

死者有言事小兒夜行街巷聽人陰談白堊識

其門而收之以死者一小兒聞人俚語曰

云云

具陳之獻獻笑曰此我家勝自成之兆也

綏寇紀略

卷十兆

遽命釋焉

張家長李家短

沈荀蔚引童謠

蜀難敘略張獻忠尤狡黠順治三年九月入順慶府屠之乃營於西充縣之鳳凰山大治舟楫將復走楚時大兵至保寧不宿而過次早逆乘馬登高望之卒遇前鋒一矢而殪時十二月十

一日也昔童謠有

云

不謂逆應之

生於燕子嶺死在鳳凰山

蜀碧云順治三年冬十有一月追賊於鳳凰山擊之獻忠

伏誅獻忠被射時拔箭在手向陣大言曰咱生在燕子嶺死在鳳凰山伏殺而斃

按獻忠陝西膚施人蓋其

地有燕
子嶺也

崇禎癸未童謠

痛餘雜錄癸未冬末賊勢張甚忽童謠云

云云

公安石首夾澧州賊正退屯其地

勸你休時不肯休死在兩縣夾一州若還要取沅辰靖

鐵樹開花水倒流

洪武癸丑童謠

二申野錄

卷一

洪武癸丑時童謠曰

古今風謠引解縉奏疏云

推埋騷悍之夫闖茸下愚之輩朝捐刀鑷暮擁冠裳左棄筐篋右符簪組剔履之賤袞繡巍峩

古謠諺

卷二十二

曼陀羅華閣

負販之傭車馬赫奔賢者羞爲之等
列庸夫患習其風流故有二云云之諺

鬚胖長官人不商量

做官沒盤纏

此則原本無今
據解縉奏疏補

燕王未起兵時童謠

二申野錄卷一建文已卯秋七月燕王兵起先時

童謠曰

烟烟北風吹上天

團團旋窠裏亂北風來吹便散

建文帝種菜歌

二申野錄卷二老佛歸西內一夕暴卒以公禮葬

於郊外原注自建文帝爲僧居羅榮寨之白雲

菴命程濟圃建文刷菜根歌曰

菜根青兮菜色辛兮菜兮菜兮似余情兮

正統己巳童謠

二申野錄卷二正統己巳童謠曰

牛兒呵莽着黃花地裏倘着你也忙我也忙伸出角來
七尺長

清俊小後生青布衫白直身好個人屈死在鷓兒嶺

正德丙寅北京童謠

二申野錄

卷三

正德丙寅北京童謠云

古今風謠注云馬永

成張永谷大用魏彬四宦崇權害政後皆廢出鼓卽谷也北京之音呼谷爲鼓云

馬倒不用喂鼓破不用張

正德己巳川蜀童謠

二申野錄

卷三

正統己巳川蜀童謠曰

古今風謠注云時有

流賊藍廷瑞鄔老人之變統御非人所過掠劫甚於流賊百姓歌之

強賊放火官軍搶火賊來梳我軍來篋我

海魚諺

二申野錄卷三正德甲戌八月陽江闔邑刺竹作

花實實既卽稿父老相傳此竹率五十年一實

實則殄然大飢又海魚大賤則飢原注諺曰

海熟田荒

嘉靖初童謠

二申野錄卷四嘉靖初童謠云云又云云又

云云又云云云

前頭好個鏡後頭好個秤鏡也不會磨秤也不會定

嘉靖二年半秣黍磨成麩東街咽瞪眼西街喫磨扇姐

夫若要喫白麪只待明年七月半

太廟香爐跳午門石獅叫

好黑頭蟲一半變蛤蚧一半變人龍

時人爲胡明善張孚敬謠

二申野錄

卷四

嘉靖壬辰八月己卯彗星見東井

張孚敬復致仕時人爲之謠曰

原注明善爲直隸巡按御史時

以采石去

石產房州胡明善禍從地出星臨井宿張孚敬災自天

來

隆慶辛未天鼓諺

二申野錄

卷五

隆慶辛未冬十一月庚午京師天

鼓鳴十二月杭州天鼓鳴二聲人謂之天爆諺

云

天爆雉雞叫有米没人要

時人爲張懋修張敬修語

二申野錄

卷五

萬曆庚辰三月廷試賜進士張懋

修等及第出身有差懋修居正次子其弟敬修

與四維之子申徵皆前列得禮部主事時人語

曰

云

云

或作俚言書而粘之宮牆懋修之得鼎

元也神宗親置之首諭居正曰吾以此報先生耳夫國家一線公道止此科舉之途少存餽羊今以綺紈乳臭之子領袖多士是以闢門之典爲酬功之具也

首甲幸有三人云胡僅此二子

萬厯己亥上海民間謠

二申野錄

卷五

萬厯己亥秋八月上海薄暮聞空

中有鬼聲時以紙砲震之民間謠曰

云

次年

果有抽稅之舉

天上鬼車叫城中放紙砲不知因甚來朝廷要納鈔

萬曆丙辰會試諺

二申野錄

卷六

萬曆丙辰二月會試以大學士吳

道南禮部尙書劉楚先充考試官取沈同和等

三百五十名

原注沈同和吳江人家饒阿堵已

彰物議會試放榜居然首選其鄉里下第舉子憤憤不平或泥汚其名或聚衆聲闕及閱墨卷首藝時刻也於是科臣參其懷挾而本房亦具疏檢舉士論

闕然上命禮官覆試之

三月削會元沈同和

爲民並黜進士趙鳴陽同和覆試之日禮部出

明君必恭儉禮下同和問曰是書乎是經乎是
論乎其座師大怒日暮幾乎曳白於是發刑部
訊問杖而徒之其卷皆趙鳴陽筆遂削其名是
科會錄無元吳人爲之謠曰丙辰會錄斷么絕
六按此條已見湧幢小品開國以來未有會錄無首者乃
始見於今日丙火也辰龍也故諺曰

火龍無首

崇禎辛巳杭城諺

二申野錄

卷八

崇禎辛巳是年杭城旱饑卽富家

亦半食粥或兼煮蠶豆以充飢貧者採榆屑木
以食諺云

湖船底漏司廚刀繡梨園餓瘦上瓦下瓦抱裯遠走

古謠諺卷二十一終

古謠諺卷二十三

秀水杜文瀾輯

漁父歌

吳越春秋

卷一

鄭定公與子產誅殺太子建建有

子名勝伍員與勝奔吳至江江中有漁父乘船
從下方泝水而上子胥呼之謂曰漁父渡我如

是者再漁父欲渡之適會旁有人窺之因而歌

曰

云

子胥卽止蘆之漪漁父又歌曰

云

子

胥入船漁父知其意也乃渡之干溇

徐注云溇當作尋四

尺曰叨倍
叨曰尋

之津子胥既渡漁父乃視之有其飢

色乃謂曰子俟我此樹下爲子取餉漁父去後

子胥疑之乃潛身於深葦之中有頃父來持麥

飯鮑魚羹盜漿求之樹下不見因歌而呼之曰

云

如是至再子胥乃出蘆中而應漁父曰吾

見子有飢色爲子取餉子何嫌哉子胥曰性命

屬天今屬丈人豈敢有嫌哉

卷二吳王入郢止
畱伍胥遂引軍擊

鄭鄭定公大懼乃令國中曰有能還吳軍者吾
與分國而治漁者之子應募曰已能還之不用
尺兵斗糧得一橈而行歌道中卽還矣公乃與
漁者之子橈子胥軍將至當過扣橈而歌曰蘆

中人如是再子胥聞之愕然大驚曰公爲何誰
矣曰漁父者子臣念前人與君相逢於途今從
君乞鄭之國子胥歎曰悲哉吾蒙子前人之惠
自致於此上夫蒼蒼豈敢忘也於是乃釋鄭國

還軍

圍楚

日月昭昭乎侵已馳與子期乎蘆之漪

御覽卷六十九
引輿地志昭昭

作灼灼馳作私下
乎字作兮漪作崎

日已夕兮予心憂悲月已馳兮何不渡爲事寢急兮當

奈何

風雅逸篇卷二兮作乎
何不當作不可當作將

蘆中人蘆中人豈非窮士乎

按越絕書卷一亦載此歌無後一則字句半同半異

今並錄之

伍子胥引河上歌

吳越春秋

卷二

會楚之白喜

徐注云史記作伯嚭

來奔吳王

問子胥曰白喜何如人也子胥曰白喜者楚白

徐注云左傳史記俱作伯

州犁之孫平王誅州犁喜因出奔

聞臣在吳而來也闔閭傷之以爲大夫與謀國
事吳大夫被離承宴問子胥曰何見而信喜子
胥曰吾之怨與喜同子不聞河上歌乎

同病相憐同憂相救驚翔之鳥相隨而集瀨下之水因

復俱流胡馬望北風而立越鷲向日而熙誰不愛其所
近悲其所思者乎

申包胥歌

吳越春秋

卷二

申包胥哭於秦庭七日七夜口不

絕聲秦桓公

徐注云按申包胥求救乃秦哀公時此云桓公誤

素沉湎

不恤國事申包胥哭已歌曰

云

如此七日秦

伯爲之垂涕卽出師而送之

吳爲無道封豕長蛇以食上國欲有天下政從楚起寡
君出在草澤使來告急

按左氏定四年傳申包胥如秦乞師曰吳爲封豕長蛇以荐食上國虐始於楚寡君失守社稷越在草莽使下臣告急惟彼不言歌故置彼錄此

樂師扈子琴曲

吳越春秋

卷二

樂師扈子非荆王信讒佞殺伍奢

白州犁而寇不絕於境乃援琴爲楚作窮劫

徐注

云劫疑

之曲以暢

徐注云暢疑作傷

君之迫厄之暢達

徐注云之暢達當作而暢達之

也其詞曰

云昭王垂涕深知

琴曲之情扈子遂不復鼓矣

王耶王耶何乖烈

徐注云烈疑當作劣
風雅逸篇卷二烈作淚

不顧宗廟聽

讒孽任用無忌多所殺誅夷白氏族幾滅二子東奔適

吳越吳王哀痛助怛垂涕

風雅逸篇
涕作淚

舉兵將西伐伍

胥白喜孫武決三戰破郢王奔發畱兵縱騎虜荆闕楚

荆骸骨遭發掘

風雅逸篇荆
楚作楚荆

鞭辱腐屍恥難雪幾危宗

廟社稷滅嚴王何罪國幾絕

風雅逸篇
嚴作莊

卿士悽愴民惻

愍

徐注云音辰
懷愍悲貌

吳軍雖去怖不歇願王更隱撫忠節勿

爲讒口能謗褻

越王夫人歌

吳越春秋

卷四

越王勾踐入臣於吳越王夫人乃

據船哭顧鳥鵲啄江渚之蝦飛去復來因哭而

歌之曰

云

又哀吟曰

云

越王聞夫人怨歌

心中內慟乃曰孤何憂吾之六翮備矣

仰飛鳥兮鳥鳶凌元虛號

徐注云號當作兮

風雅

翩

翩集洲渚兮優恣啄蝦矯翮兮雲間任厥

徐注云此

兮

往還妾無罪兮負地有何辜兮譴天颿颿獨兮西往

風雅

逸篇無

孰知返兮何年心懨懨兮若割淚泫泫兮雙懸

彼飛鳥兮鳶鳥已迴翔兮翕蘇心在專兮素蝦何居食

兮江湖徧復翔兮游颺去復返兮於乎始事君兮去家

終我命兮君都終來遇兮何幸

徐注云幸當作辜

離我國兮去

吳妻衣褐兮爲婢夫去冕兮爲奴歲遙遙兮難極冤悲
痛兮心惻腸干結兮服膺於乎哀兮忘食願我身兮如

鳥身翱翔兮矯翼去我國兮心搖情憤惋兮誰識

風雅逸篇

憤惋作惋傷

御覽卷五百七十引吳越春秋此歌詳

略迥異其詞曰兩飛鳥兮鶯鳥何居食兮江湖水中蟲
兮日蝦去復反兮嗚呼始事君兮去家終我命兮君都
中年過兮何辜離我國兮入吳妻爲婢兮夫爲奴歲迢
迢兮難極冤痛悲兮
心惻嗚呼哀兮不食

采葛婦歌

吳越春秋

卷五

越王曰吳王好服之離體吾欲采

葛使女工織細布獻之以求吳王之心於子何

如羣臣曰善乃使國中男女入山采葛以作黃

絲之布吳王得葛布之獻乃復增越之封賜羽

毛之飾几杖諸侯之服越國大悅采葛之婦傷

越王用心之苦乃作何苦之歌曰

原本無何字
歌作詩徐注

云事類賦引吳越春秋曰乃作若何之歌
會稽賦注亦引此書曰乃作何苦之詩

葛不連蔓莖台台

御覽卷九百九
十五莖作葉

我君心苦命更之嘗

膽不苦甘如飴

徐注云事類賦及越舊經所引皆
作未若飴 御覽甘如作味若

令我

采葛以作絲

御覽卷五百七十
一令我作我今

饑不遑食四體疲

原本無此

句徐注據文選
注引以爲闕文

女工織兮不敢遲弱於羅兮輕罪罪號

絺素兮將獻之越王悅兮忘罪除吳王歡兮飛尺書增

封益地賜羽奇几杖茵褥諸侯儀羣臣拜舞天顏舒我

王何憂能不移

廣羣芳譜卷十
二能不作不能

作彈歌

吳越春秋

卷五

於是范蠡復進善射者陳音音楚

人也越王請音而問曰孤聞子善射道何所生

音曰臣楚之鄙人嘗步於射術未能悉知其道

越王曰然願子一二其辭音曰臣聞弩生於弓
弓生於彈彈起古之孝子越王曰孝子彈者奈
何音曰古者人民朴質饑食鳥獸渴飲霧露死
則裹以白茅投於中野孝子不忍見父母爲禽
獸所食故作彈以守之絕鳥獸之害故歌曰

云

云之謂也於是神農皇帝

徐注云皇
當作黃

弦木爲弧

剡木爲矢

徐注云世本黃
帝臣牟夷作矢

弧矢之利以威四方

斷竹續竹

白帖卷十四續竹作屬木
十續竹作屬彈

升菴詩話卷一續作床
御覽卷三百三

案楊氏慎有床麗情集自注云床古續字李氏調元云
床古膠字乃先生偶誤據此則此條床字乃楊氏誤易

也

飛土逐穴

白帖突作肉

風雅選篇卷一

劉勰文心雕龍云二言肇於黃世竹彈之

字記卷三衛公李靖碑

憫茲視突突卽肉字據韻肉

顧氏金石文

作突越絕書陳音對越王云云作此突字乃

卷一

今人以爲

古字誤矣

義府云

卷

下劉勰文心雕龍云二言肇於黃世竹彈之

謠是也

注事見吳越春秋未必果黃帝時語

此言未知詩體蓋斷竹續

竹飛土逐穴必四言成句語脈緊聲情始切若讀作

二言其聲嘽緩而不激揚恐非歌旨

軍士離別詞

吳越春秋

卷六

越王復悉國中士卒伐吳國人各

送其子弟於郊境之上軍士各與父兄昆弟取

訣國人悲哀皆作離別相去之詞曰

云

於是

觀者莫不懷惻

躑躅摧長慝兮擢戟馭爰所離不降兮以泄我王氣蘇
三軍一飛降兮所向皆殂一士判死兮而當百夫道祐
有德兮吳卒自屠雪我王宿恥兮威振八都軍伍難更
兮勢如貔驅行行各努力兮於乎於乎

樂師暢辭

吳越春秋逸文

據廣博物志
卷三十四

越王還於吳置酒

文臺羣臣爲樂乃命樂作伐吳之曲樂師曰臣
聞卽事作操功成作樂君王復讐還恥威加諸
侯受霸王之功效可象於圖畫德可刻於金石
聲可託於絃管名可畱於竹帛臣請引琴而鼓
之遂作章暢辭曰

屯乎今欲伐吳可未耶

漁父歌

越絕書

卷一

伍子胥於是乃南奔吳至江上見漁

者曰來渡我漁者知其非常人也欲往渡之恐

人知之歌而往過之曰

云

云

子胥卽從漁者之

蘆碕日入漁者復歌往日

云

船到卽載入船

而伏

日昭昭侵已施與子期甫蘆之碕

御覽卷五百七十一無日字昭昭作昭昭

潛確類書卷一侵作浸施作施 秫林伐山云施日

斜也遠左有東曉縣 義府卷下施日斜也碕曲岸也 甫當讀 夫音扶

心中目施

御覽卷五百七十一作心中悲日已施

子可渡河何爲不出

巴人爲陳紀山歌

華陽國志

巴志

巴郡陳紀山爲漢司隸校尉嚴明

正直西虜獻眩王庭試之分公卿以爲嬉紀山
獨不視京師稱之巴人歌曰

築室載直梁國人以貞真邪娛不揚目枉行不動身姦
軌辟乎遠理義協乎民

續古文苑卷四
枉作狂辟作僻

巴郡民爲吳約歌二則

華陽國志巴永建中泰山吳資元爲郡守屢獲

豐年民歌之

廣博物志卷十七引後漢
書作巴郡人爲吳資歌

曰云云

及資遷去民人思慕又曰

云云

習習晨風動澍雨潤乎苗

廣博物志卷十七
引後漢書乎作禾

我后恤時

務我民以優饒

御覽卷二百六十二引
華陽國志我民作郡民

望遠忽不見惆悵嘗徘徊恩澤實難忘悠悠心永懷

漢世爲唐蒙諺

華陽國志

蜀志

漢武帝初欲開南中令蜀通犍青

衣道是元年犍道令通之費功無成百姓愁怨

司馬相如諷諭之使者唐蒙將南入以道不通

執令將斬之令歎曰忝官益土恨不見成都市

蒙卽令送成都市而殺之蒙乃斬石通閣道故

世爲諺曰

云

云後蒙爲都尉治南夷道

思都郵斬令頭

蜀人爲先尼和女張貞妻語

華陽國志

蜀志

江陽郡符縣郡東二百里永建元

年十二月縣長趙祉遣吏先尼和拜檄巴蜀守

過成瑞灘死子賢求喪不得女絡年二十五迺

分金珠作二錦囊繫兒頭下至二年二月十五

日女絡乃乘小船至父沒所哀哭自沈見夢告

賢日至二十一日與父屍俱出至日父子浮出

縣言郡太守蕭登高之上尙書遣戶曹掾爲之

立碑人爲語

先賢士女總讚作時人語

水經注江水篇作時人爲說曰云

云求其人天下無有其偶者矣

水經注江水篇載此事先尼和

作光尼和成瑞灘作成濡灘年二十五下有有

二子五歲以還七字項氏細云搜神記云犍爲

先尼和其女名雄先賢士女總讚黃帛熨道

人張貞妻也貞受易於韓子方去家三十里船

覆死貞弟求喪經月不得帛乃自往沒處躬訪

不得遂自投水中大小驚惋積十四日持夫手

浮出縣長韓子冉嘉

之召帛子爲縣股肱

符有先絡熨道張帛

水經注先作光道下有有字

鍾

叔先雄水經注江水一雄作絡舊本誤作終故困學紀

聞引之作光終兩字皆譌今案華陽國志云云絡帛叶

韻則終字之誤顯然而後漢

傳之雄字亦當作雒明矣

南廣郡行人語

華陽國志

南中志

南廣郡自犍道至朱提有水步

道水道有黑水及羊官水至險難行步道度三

津亦艱阻故行人爲語

水經注江水篇引益州記作俗爲之語均藻

卷一作古諺

曰云又有牛叩頭馬搏坂其險如此

猶溪赤水

水經注江水篇引益州記猶溪作楸谿

盤蛇七曲盤羊烏櫛氣

與天通

丹鉛雜錄卷七引水經注氣作勢

看都護泚住拄呼尹庾降賈

子左儋七里

項氏細水經注校語云看都二字未詳華陽國志云庾降賈子左擔七里按庾降屯

名也華陽國志云建寧郡治故庾降都督屯也李克蜀記云蜀山白鶴谷葭萌道徑險窄北來擔負者不容易

古諺

卷二十一

曼陀羅華閣

肩謂之左擔道升菴詩話補遺卷下李公允益州記
云陰平縣有左肩道其路至險難行自北來者擔在左
肩不得度右肩

時人爲何平句扶張翼廖化語

華陽國志

劉後主志

延熙十一年鎮北將軍王平卒

平始出軍武夫不大知書性警朗有思理平同

郡句扶亦果壯亞平官至左將軍封宕渠侯後

張翼與襄陽廖化並爲大將軍故時人爲語曰

二云

云平本養外家何氏後復姓

前有何句後有張廖

轉注古音略卷四及官韻考異何作王

巴蜀爲譙登文石張羅語

華陽國志

大同志

永嘉元年三月關中流民鄧定

訇氏等掠漢中冬辰勢以叛巴西太守張燕遣
兵圍之氏求救於李雄夏五月雄遣李離救定
州軍以破四年天水文石殺雄雄太宰李國梓
潼巴西還屬初巴西譙登詣鎮南請兵鎮南無
兵表爲揚烈將軍梓潼內史義募三巴蜀漢民
爲兵克復州郡先征宕渠殺雄巴西太守馬脫
還往涪折衝將軍張羅進據犍爲之合水巴蜀

爲語曰

譙登治涪城文石在巴西張羅守合水巴氏那得前

溫縣民爲王渙歌

華陽國志

先賢士女總贊

王渙字稚子鄴人也初爲河

內溫令路不拾遺臥不閉門民歌之曰

王稚子世未有平徭役百姓喜

御覽卷四百六十五引東觀漢記世作代

時人爲折像賓客諺

華陽國志

先賢士女總贊

折像字伯式雒人也其先張

江爲武威太守封南陽折侯因氏焉父國爲鬱

林太守家貲二億盡散以施宗族卹贍親舊葬
死弔喪事東平虞叔雅以道教授門人朋友自
遠而至時人爲諺曰

折氏客誰朱雲卿殷節英中有佃子趙仲平但說天文
論五經

蜀中爲費貽歌

華陽國志先賢士女總讚費貽字奉君南安人也公孫

述時漆身爲厲佯狂避世述破爲合浦守蜀中

歌之曰

節義至仁費奉君不仕亂世避惡君修身於蜀記名亦足後世爲大族

元康三年蜀中童謠二則

華陽國志

大同志

元康三年正月中童謠曰

云云

又曰江橋頭闕下市成都北門十八字

按此條見魏書

竇李勢傳已錄

及尙在巴蜀也又曰

云

巴郡皮素之

西上也又曰有客有客來侵門陌其氣欲索

按此

條亦見魏書竇

李勢傳已錄

郫城堅盜底穿郫城細子李特細

巴郡葛當下美

綿竹民爲閻憲謠

華陽國志

漢中士女志

閻憲字孟度成固人也名知

人爲綿竹令以禮讓爲化民莫敢犯男子杜成
夜行得遺物一囊中有錦二十五疋求其主還
之曰縣有明君何敢負其化童謠歌曰云
蜀郡吏民泣涕送之以千數云遷

閻尹賦政旣明且昶去苛去辟動以禮讓

御覽卷四百六十五尹作

若無賦字上去字作
蜀辟作碎無動字

古謠諺

卷二十三

曼陀羅華閣

時人爲楊氏四子語

華陽國志

漢中士女志

泰瑛南鄭楊相妻大鴻臚劉

巨公女也有四男二女相亡教訓六子動有法
矩長子元珍次子仲珍兄弟爲名士泰瑛之教
流於三世四子才官隆於先人故時人爲之語

曰

三苗不止四珍復起

蜀民爲何隨語

華陽國志

西州後賢志

何隨蜀郡郫人也除安漢令

蜀亡去官時巴土饑荒所在無穀送吏行乏輒
取道側民芋隨以縣繫其處使足所取直民視
芋見縣相語曰聞何安漢清廉行道從者無糧
必能爾耳持縣追還之終不受因爲語曰

安漢吏取糧令爲之償

御覽卷九百七十五作聞何
安漢清民取糧吏爲之償

時人爲趙孟語

華陽國志逸文

據詩
紀補

趙孟字長舒補尚書都令

史善清談有國士風面有疵點曹事不決孟一
言乃定時人語曰

事有變問疵面

北州童爲朱碩棗嵩謠

十六國春秋

卷十二
後趙錄

晉幽州牧王浚矜豪日甚

不親政事所任皆苛刻小人棗嵩朱碩貪橫尤

甚北州童謠曰

府中赫赫朱邱伯十囊五囊入棗郎

按晉書王浚傳但載棗嵩事謠詞亦僅一句今兩載
之

軍中爲汲桑謠

十六國春秋

卷二十一
後趙錄

汲桑嘗事成都王司馬

穎穎之死也桑聚眾劫掠郡縣自稱大將軍嘗

六月盛暑而重裘累茵使人扇之患不清涼乃

斬扇者時軍中爲之謠曰

樂府詩集卷八十二
作井州士女爲之歌

士爲將軍何可羞六月重茵被衲裘不識寒暑斷他頭

御覽卷二十一引趙書士作奴衲作狐他作人卷三十

四引趙書重作累豹作貂斷作斬卷六百九十四引趙

書被作披樂府詩

集被作披狐作豹 雄兒田蘭爲報仇中夜斬首謝并

州

二句原本無今
據樂府詩集補

臨水人爲張樓謠

古謠諺

卷二十三

曼陀羅華閣

十六國春秋

卷二十二
後趙錄

張樓陽平人也爲臨水

長嚴政酷刑殘忍無惠時人苦之爲之謠曰

御

卷四百六十五

作人謠之曰

陽平張樓頭如箱見人切齒刷虎狼

陳武引里語

十六國春秋

卷二十二
後趙錄

陳武字國武本胡人育

於臨水令陳君陳君奇之起議欲易其故字武

長跪自啟曰里語有之

云

云謂今當易字寔有

私心嘗聞長卿慕藺相如之行故字相如往在

鄉里人聞故老之說稱漢使蘇武執忠守志意
竊慕之陳君嘉其志遂名之曰武因字之曰國
武

都亭鼠數聞長者

隴上童爲王擢謠

十六國春秋

卷三十四
前秦錄

符健皇始二年十二月

丞相雄攻王擢於隴上敗之擢單馬奔涼州雄

還屯隴東初有童謠曰

云

至是而擢敗

十斗二升沙誰爲王擢家

符堅時鳳皇歌

十六國春秋

卷三十六
前秦錄

符堅時甘露三年秋九

月乙亥鳳皇集於于東闕民因歌之曰

鳳皇于飛其羽翼翼翊我聖后饗齡萬億

御覽卷四百
六十五翊我

作淵我卷九百
二十五饗作其

時人爲釋道安諺

十六國春秋

卷三十七
前秦錄

符堅建元十六年有人

持一銅斛於市賣之其形正圓下向爲斗橫梁

昂者爲升低者爲合梁一頭爲籥籥同黃鐘可

容半合邊有篆銘堅以問道安安曰此王莽時
物自言出自舜黃龍戊辰改正卽眞以同律量
布之四方欲大小器鈞令天下取平焉堅乃勅
學士內外有疑皆師於安故時人爲之諺曰
學不師安義不中難

時人爲梁氏兄弟語

十六國春秋

卷四十二前秦錄

御覽

梁讜字

卷四百九十五秦作涼

伯言略陽氏人也博學有備才仕健爲著作郎

稍遷至中書令堅旣卽位出爲安遠將軍幽州

刺史鎮薊城未幾進位侍中讜與弟熙俱以文藻清麗見重一時時人爲之語曰

關東堂堂二申兩房未若二梁瓊文綺章

趙整諷符堅歌

十六國春秋

卷四十二前秦錄

堅與羣臣飲酒以秘書

監朱彤爲酒正令人以極醉爲限整乃作酒德

歌曰

云

又曰

云

云

堅大悅命整書之以爲酒

戒自是每宴羣臣禮飲而已

地列酒泉天垂酒池杜康妙識儀狄先知紂喪殷邦桀

傾夏國由此言之前危後則

御覽卷八百四十一僅載下文四句此八句未載

穫黍西秦採麥東齊春封夏發鼻納心迷

平原民爲索稜歌

十六國春秋

卷六十一後秦錄卷二百六十一後作前

御覽

索稜字

孟則燉煌人也好學博聞姚萇甚器重之委以

機密文章詔檄皆稜之文也後爲平原太守以

德化民民畏而愛之歌曰

懿矣明守庶績允釐剖符作宰實獲我思

時人爲龐世謠

十六國春秋

卷六十五
南燕錄

龐世不知何處人仕德

爲光祿勳奏案豪強苛克人物咸懼疾之及卒

門無弔客時人爲之謠曰

龐家之巷車馬麟麟泥丸之日無弔賓弔賓不至何所

因由性苛克寡所親

御覽卷四百六十引趙書麟
麟作鱗鱗至作來克作尅

張休祖自述時人語

十六國春秋

卷七十五
前涼錄

汜禕字休臧燉煌人爲

福祿令剛直不事上府酒泉太守馬漢遣督郵

張休祖劾之休祖謂禕曰君不聞

云

乎禕怒

以印繫肘而就縛縛訖發印以告事聞休祖坐
不解印擅縛令長以大不敬論禕左遷居延令
甯逢三千頭虎不逢張休祖

秦雍爲辛氏兄弟諺

十六國春秋

卷七十五
前涼錄

辛攀字懷遠隴西狄道

人也父爽晉尚書郎兄鑒曠弟寶迅皆以才識

著名秦雍爲之諺曰

御覽卷四百九
十五諺作語

五龍一門金友玉昆

時人爲張冲謠

十六國春秋

卷七十五
前涼錄

張冲字長思燉煌人家

財巨萬悉以散之鄉閭

御覽卷四百七十七作
散家財巨萬施之鄉閭

時人爲之謠曰

推財不疑張長思

時人爲李始語

十六國春秋

卷七十
九蜀錄

李始字伯起

御覽卷二百
六起作敬

雄異母兄也累遷太保加折衝將軍善撫士衆

衆多歸之時人爲之語曰

欲養老屬太保

吏人爲劉聰歌

十六國春秋逸文

前趙錄 據白帖卷七十七

劉聰字元明

年十四究通經史時有太守郭頤辟爲主簿吏

歌曰

我有賢后能任元明政理人殷

時人爲權翼符雅語

十六國春秋逸文

前秦錄 據廣博物志卷十六

尙書符雅爲

人樂施乞人填門嘗曰天下物何常吾今日富

後日貧耳忽一日不施則意不泰時人爲之語

曰

不爲權翼富寧作符雅貧

御覽卷四百七十七引車頻秦書翼作異按符秦時有

權翼無權異御覽所引有誤

按十六國春秋原書久佚漢魏叢書本卷帙太少未載謠諺屠氏本卷帙雖完出自依托然其中所收謠諺多與御覽所引相符究非無據故不入附錄仍歸正文又白帖廣博物志所引各一則爲屠本所無今亦採之

古謠諺卷二十三終